

雜阿含經卷第三十四

流四

宋天竺三藏求那跋陀羅譯

如是我聞一時佛住舍衛國祇樹給孤獨園
爾時世尊告諸比丘衆生無始生死長夜輪
轉不知苦之本際諸比丘於意云何若此大
地一切草木以四指量斬以爲籌以數汝等

一

長夜輪轉生死所依父母籌數已盡其諸父
母數猶不盡諸比丘如是無始生死長夜輪
轉不知苦之本際是故比丘當如是學當勤
精進斷除諸有莫令增長佛說此經已諸比

丘聞佛所說歡喜奉行

如是我聞一時佛住舍衛國祇樹給孤獨園

爾時世尊告諸比丘衆生無始生死長夜輪
轉不知苦之本際云何比丘此大地土泥悉
以爲丸如婆羅菓以數汝等長夜生死以來
所依父母土丸既盡所依父母其數不盡比
丘衆生無始生死長夜輪轉不知苦之本際
其數如是是故比丘當勤方便斷除諸有莫

令增長當如是學佛說此經已諸比丘聞佛
所說歡喜奉行

如是我聞一時佛住舍衛國祇樹給孤獨園
爾時世尊告諸比丘衆生無始生死長夜輪
轉不知苦之本際當勤精進斷除諸有莫令
增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園

爾時世尊告諸比丘若見衆生受諸苦
惱當作是念我長夜輪轉生死以來亦曾更
受如是之苦其數無量當勤方便斷除諸有
莫令增長佛說此經已諸比丘聞佛所說歡
喜奉行

如是我聞一時佛住舍衛國祇樹給孤獨園

尔時世尊告諸比丘衆生無始生死長夜輪轉不知苦之本際諸比丘汝等見諸衆生而生恐怖衣毛爲豎當作是念我等過去必曾殺生爲傷害者爲惡知識於無始生死長夜輪轉不知苦之本際諸比丘當作是學斷除諸有莫令增長佛說此經已諸比丘聞佛所說歡喜奉行

流四

二

如是我聞一時佛住舍衛國祇樹給孤獨園爾時世尊告諸比丘衆生無始生死長夜輪轉不知苦之本際諸比丘若見衆生愛念歡喜者當作是念如是衆生過去世時必爲我等父母兄弟妻子親屬師友知識如是長夜生死輪轉無明所蓋愛繫其頸故長夜輪轉不知苦之本際是故諸比丘當如是學精勤方便斷除諸有莫令增長佛說此經已諸比丘聞佛所說歡喜奉行

退坐一面白佛言瞿曇未來世當有幾佛佛告婆羅門未來佛者如無量恒河沙尔時婆羅門作是念未來當有如無量恒河沙三藐三佛陀我當從彼修諸梵行尔時婆羅門聞佛所說歡喜隨喜從座起來諸佛不問過去即隨路還復問世尊云何瞿曇過去世時復有幾佛佛告婆羅門過去世佛亦如無量恒河沙數時婆羅門即作是念過去世中有無量恒河沙等諸佛世尊我曾不習近設復未來如無量恒河沙三藐三佛陀亦當不與習近娛樂我今當於沙門瞿曇所修行梵行即便合掌白佛言唯願聽我於正法律出家修梵行佛告婆羅門聽汝於正法律出家修梵行得比丘分尔時婆羅門即出家受具足出家已獨一靜處思惟所以善男子正信非家出家學道乃至得阿羅漢如是我聞一時佛住舍衛國祇樹給孤獨園時有異婆羅門來詣佛所恭敬問訊問訊已

世尊告諸比丘有一人於一劫中生死輪轉
積累白骨不腐壞者如毗富羅山若多聞聖
弟子此苦聖諦如實知此苦集聖諦如實知
此苦滅聖諦如實知此苦滅道跡聖諦如實知
知彼如是知如是見斷三結謂身見戒取疑
斷此三結得須陀洹不墮惡趣法決定正向
三菩提七有天人往生究竟苦邊爾時世尊
即說偈言

一人一劫中 積聚其身骨 常積不腐壞
如毗富羅山 若諸聖弟子 正智見真諦
此苦及苦因 離苦得寂滅 修習八道跡
正向般涅槃 極至於七有 天人來往生
盡一切諸結 究竟於苦邊

佛說此經已諸比丘聞佛所說歡喜奉行
如是我聞一時佛住舍衛國祇樹給孤獨園
爾時世尊告諸比丘衆生無始生死長夜輪
轉不知苦之本際時有異比丘從座起整衣
服為佛作禮右膝著地合掌白佛世尊劫長
久如佛告比丘我能為汝說汝難得知比丘
白佛可說譬不佛言可說比丘如大石山不
輪轉不知苦之本際時有異比丘從座起整
衣服偏袒右肩為佛作禮右膝著地合掌白

佛世尊劫長久如佛告比丘我能為汝說而
汝難知比丘白佛可說譬不佛言可說比丘
譬如鐵城方一由旬高下亦尔滿中芥子有
人百年取一芥子盡其芥子劫猶不竟如是
比丘其劫者如是長久如是長劫百千萬億
大苦相續白骨成丘膿血成流地獄畜生餓
鬼惡趣是名比丘無始生死長夜輪轉不知
苦之本際是故比丘當如是學斷除諸有莫
令增長佛說此經已諸比丘聞佛所說歡喜
奉行

如是我聞一時佛住舍衛國祇樹給孤獨園
爾時世尊告諸比丘衆生無始生死長夜輪
流四
轉不知苦之本際時有異比丘從座起整衣
服為佛作禮右膝著地合掌白佛世尊劫長
久如佛告比丘我能為汝說汝難得知比丘
白佛可說譬不佛言可說比丘如大石山不
輪轉不知苦之本際時有異比丘從座起整
衣服偏袒右肩為佛作禮右膝著地合掌白

如是長丈之劫百千万億劫受諸苦惱乃至諸比丘當如是學斷除諸有莫令增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘衆生無始生死長夜輪轉不知苦之本際無有一處不生不死者如

是長夜無始生死不知苦之本際是故比丘當如是學斷除諸有莫令增長佛說此經已諸比丘聞佛所說歡喜奉行

服爲佛作禮右膝著地合掌白佛世尊過去有幾劫佛告比丘我悉能說汝知其難比丘白佛可說譬言不佛言可說譬言如比丘有士夫壽命百歲晨朝憶念三百千劫日中憶念三百千劫日暮憶念三百千劫如是日日憶念百千劫日暮憶念三百千劫如是日日憶念劫數百年命終不能憶念劫數邊際比丘當知過去劫數無量如是過去無量劫數長夜受苦積骨成山髓血成流乃至地獄畜生餓鬼惡趣如是比丘無始生死長夜輪轉不知苦之本際是故比丘當如是學斷除諸有莫令增長佛說此經已諸比丘聞佛所說歡喜

奉行

流四

五

如是我聞一時佛住舍衛國祇樹給孤獨園爾時世尊告諸比丘衆生無始生死長夜輪轉不知苦之本際譬言如大雨滴泡一生一滅如是衆生無明所蓋愛繫其頸無始生死生者死者長夜輪轉不知苦之本際是故比丘

當如是學斷除諸有莫令增長佛說此經已
諸比丘聞佛所說歡喜奉行

如是我聞一時佛住舍衛國祇樹給孤獨園
爾時世尊告諸比丘衆生無始生死長夜輪
轉不知苦之本際譬如普天大雨洪濤東西
南北無斷絕處如是東方南方西方北方無
量國土劫成劫壞如天大雨普雨天下無斷
絕處如是無始生死長夜輪轉不知苦之本
際譬如擗杖空中或頭落地或尾落地或中
落地如是無始生死長夜輪轉或墮地獄或
墮畜生或墮餓鬼如是無始生死長夜輪轉
是故比丘當如是學斷除諸有莫令增長佛

說此經已諸比丘聞佛所說歡喜奉行

如是我聞一時佛住舍衛國祇樹給孤獨園
爾時世尊告諸比丘衆生無始生死長夜輪
轉不知苦之本際譬如比丘若有士夫轉五
趣輪常轉不息如是衆生轉五趣輪或墮地
獄畜生餓鬼及人天趣常轉不息如是無始

流四

生死長夜輪轉不知苦之本際是故比丘當
如是學斷除諸有莫令增長佛說此經已諸
比丘聞佛所說歡喜奉行

如是我聞一時佛住王舍城毗富羅山側爾
時世尊告諸比丘一切行無常一切行不恒
不安變易之法諸比丘於一切行當生厭離

求樂解脫諸比丘過去世時此毗富羅山名
長竹山有諸人民圍遶山居名低彌羅邑低
彌羅邑人壽四萬歲低彌羅邑人上此山頂
四日乃得往反時世有佛名迦羅迦孫提如
來應等正覺明行足善逝世間解無上士調
御丈夫天人師佛世尊出興於世說法教化

初中後善義善味純一滿淨梵行清白開
發顯示彼長竹山於今名字亦滅低彌羅聚
落人民亦沒彼佛如來已般涅槃比丘當知
一切諸行皆悉無常不恒不安變易之法於
一切行當修厭離欲解脫諸比丘過去世
時此毗富羅山名曰朋迦時有人民繞山而

居名阿毗迦邑彼時人民壽三萬歲阿毗迦人上此山頂經三日中乃得往反時世有佛名拘那含牟尼如來應等正覺明行足善遊世間解無上士調御丈夫天人師佛世尊出與於世演說經法初中後善善義善味純一滿淨梵行清白開發顯示諸比丘彼朋迦山

波四

七

名字久滅阿毗迦邑人亦久云沒彼佛世尊亦般涅槃如是比丘一切諸行皆悉無常不恒不安變易之法沒等比丘當修厭離求樂解脫諸比丘過去世時此毗富羅山名宿波羅首有諸人民繞山居止名赤馬邑人壽二萬歲彼諸人民上此山頂經二日中乃得往反余時有佛名曰迦葉如來應供乃至出興於世演說經法初中後善善義善味純一滿淨梵行清白開示顯現比丘當知宿波羅首山名字久滅赤馬邑人亦久云沒彼佛世尊亦般涅槃如是比丘一切諸行皆悉無常不恒不安變易之法是故比丘當修厭離離欲

解脫諸比丘今日此山名毗富羅有諸人民繞山而居名摩竭提國此諸人民壽命百歲善自消息得滿百歲摩竭提人上此山頂須臾往反我今於此得成如來應等正覺乃至佛世尊演說正法教化令得寂滅涅槃正道善遊覺知比丘當知此毗富羅山名亦當磨滅摩竭提人亦當云沒如來不久當般涅槃如是比丘一切諸行悉皆無常不恒不安變易之法是故比丘當修厭離離欲解脫余時世尊即說偈言

古昔長竹山 低彌羅村邑 次名朋迦山
阿毗迦聚落 宿波羅首山 聚落名赤馬
今毗富羅山 國名摩竭陀 名山悉磨滅
其人悉歿云 諸佛般涅槃 有者無不盡
一切行無常 悉皆生滅法 有生無不盡
唯寂滅爲樂
佛說此經已諸比丘聞佛所說歡喜奉行
如是我聞一時佛住王舍城迦蘭陀竹園時

有婆蹉種出家來詣佛所合掌問訊問訥已退坐一面向佛言瞿曇欲有所問寧有閑暇見答以不佛告婆蹉種出家隨汝所問當爲汝說婆蹉種出家白佛言云何瞿曇命即身耶佛告婆蹉種出家命即身者此是無記云何瞿曇爲命異身異耶佛告婆蹉種出家命

流四

八

異身異者此亦無記婆蹉種出家白佛云何瞿曇命即身耶答言無記命異身異答言無記沙門瞿曇有何等奇弟子命終即記說言某生彼處某生彼處彼諸弟子於此命終捨身即乘意生身生於餘處當於爾時非爲命異身異也佛告婆蹉此說有餘不說無餘婆蹉白佛瞿曇云何說有餘不說無餘佛告婆蹉如火有餘得然非無餘婆蹉白佛我見火無餘亦然佛告婆蹉云何見火無餘亦然婆蹉白佛譬如大聚熾火疾風來吹火飛空中豈非無餘火耶佛告婆蹉風吹飛火即是
九

何名有餘佛告婆蹉空中飛火依風故住依風故然以依風故故說有餘婆蹉白佛衆生於此命終乘意生身往生餘處云何有餘佛告婆蹉衆生於此處命終乘意生身生於餘處當於爾時因愛故取因愛而住故說有餘婆蹉白佛衆生以愛樂有餘染著有餘唯有世尊得彼無餘成等正覺沙門瞿曇世間多緣請辭還去佛告婆蹉宜知是時婆蹉出家聞佛所說歡喜隨喜從座起而去
流四

如是我聞一時佛住王舍城迦蘭陀竹園尔時尊者大目捷連亦於彼住時有婆蹉種出家詣尊者大目捷連所與尊者目捷連面相問訊慰勞慰勞已退坐一面語尊者大目捷連欲有所問寧有閑暇見答以不目連答言婆蹉隨意所問知者當答時婆蹉種出家問尊者目捷連何因何緣餘沙門婆羅門有人來問云何如來有後死無後死有無後死非有非無後死皆悉隨答而沙門瞿曇有來問

言如來有後死無後死有無後死非有非無後死而不記說目捷連言婆蹉餘沙門婆羅門於色色集色滅色味色患色出不如實知不如實知故於如來有後死則取著如來無後死有後死無後死非有後死非無後死則生取著受想行識識集識滅識味識患識出不如實知不如實知故於如來有後死生取著無後死有無後死非有非無後死生取著如來者於色如實知色色集色滅色味色患色出如實知如實知故於如來有後死則不著無後死有無後死非有非無後死則不著受想行識如實知識集識滅識味識患識出如實知如實知故於如來有後死則不然無後死有無後死非有非無後死則不然甚深廣大無量無數皆悉寂滅婆蹉如是因如是緣餘沙門婆羅門若有來問如來有後死無後死有無後死非有非無後死則爲記說如是因如是緣如來若有來問如來有後死無

後死有無後死非有非無後死不爲記說時婆蹉種出家聞尊者大目捷連所說歡喜隨喜從座起而去

如是我聞一時佛住王舍城迦蘭陀竹園時有婆蹉種出家來詣佛所合掌問訊問訊已退坐一面白佛言瞿曇何因何緣餘沙門婆

羅門若有來問如上廣說尔時婆蹉種出家歎言奇哉瞿曇弟子大師義同義句同句味同味乃至同第一義瞿曇我今詣摩訶目捷連以如是義如是句如是味而問於彼彼亦以如是義如是句如是味而答我如今瞿曇所說是故瞿曇真爲奇特大師弟子義同義

流四

十

句同句味同味同第一義尔時婆蹉種出家有諸因緣至那梨聚落營事訖已退坐一面問陀迦旃延所共相問訊問訊已退坐一面問說陀迦旃延何因何緣沙門瞿曇若有來問如來有後死無後死有無後死非有非無後死不爲記說說陀迦旃延語婆蹉種出家我

今問汝隨意答我於汝意云何若因若緣若種諸行若色若無色若想若非想若非想非非想若彼因彼緣彼行無餘行滅永滅已如來於彼有所記說言有後死無後死有無後死非有非無後死耶婆蹉種出家語說陀迦旃延若因若緣若種施設諸行若色若非色

若想若非想若非想非非想彼因彼緣彼行無餘滅云何瞿曇於彼記說如來有後死無後死有無後死非有非無後死說陀迦旃延語婆蹉種出家是故如來以是因以是緣故有問如來有後死無後死有無後死非有非無後死不爲記說婆蹉種出家問說陀迦旃延汝於沙門瞿曇弟子爲日久如說陀迦旃延答言少過三年於正法律出家修梵行婆蹉種出家言說陀迦旃延快得善利少時出家而得如是身律儀口律儀又得如是智慧才時婆蹉種出家聞說陀迦旃延所說歡喜隨喜從座起去

流四

十一

如是我聞一時佛住王舍城迦蘭陀竹園時有婆蹉種出家來詣佛所合掌問訊問訊已退坐一面白佛言瞿曇欲有所問寧有閑暇爲解說不佛告婆蹉種出家隨所欲問當爲汝說婆蹉種出家白佛言瞿曇何因何緣有人來問如來有後死無後死有無後死非有非無後死而不爲記說耶佛告婆蹉種出家如上說陀迦旃延廣說乃至非有非無後死婆蹉種出家白佛言奇哉瞿曇師及弟子義義同句句同味味同其理悉合所謂第一句說瞿曇我爲小緣事至那利伽聚落營事訖已暫過沙門迦旃延以如是義如是句如是味問沙門迦旃延彼亦以如是義如是句如是味答我所問如今沙門瞿曇所說是故當知實爲奇特師及弟子義句味義句味悉同時婆蹉種出家聞佛所說歡喜隨喜從座起而去

如是我聞一時佛住王舍城迦蘭陀竹園時

有婆蹉種出家來詣佛所合掌問訊問訊已退坐一面向佛言云何瞿曇爲有我耶尔時世尊默然不答如是再三尔時世尊亦再三不答尔時婆蹉種出家作是念我已三問沙門瞿曇而不見答但當還去時尊者阿難住於佛後執扇扇佛尔時阿難白佛言世尊彼婆蹉種出家三問世尊何故不答豈不增彼婆蹉種出家惡邪見言沙門不能答其所問佛告阿難我若答言有我則增彼先來邪見若答言無我彼先癡惑豈不更增癡惑言先有我從今斷滅若先來有我則是常見於今斷滅則是斷見如來離於二邊處中說法所謂是事有故是事有是事起故是事生謂緣無明行乃至生老病死憂悲惱苦滅佛說此經已尊者阿難聞佛所說歡喜奉行

如是我聞一時佛住王舍城迦蘭陀竹園尔時婆蹉種出家來詣佛所與世尊面相問訊問訊已退坐一面向佛言瞿曇云何瞿曇作

耶佛告婆蹉種出家我不作如是見如是說世間常是則真實餘則虛妄云何瞿曇作如是見如是說世間無常常無常非常非無常有邊無邊邊無邊非邊非無邊命即是身命異身異如來有後死無後死有無後死非有非無後死佛告婆蹉種出家我不作如是見如是說乃至非有非無後死尔時婆蹉種出家白佛言瞿曇於此見見何等過患而於此諸見一切不說佛告婆蹉種出家若作是見世間常此則真實餘則虛妄者此是倒見此是觀察見此是動搖見此是垢汙見此是結見是苦是礙是惱是熱見結所繫愚癡無聞凡夫於未來世生老病死憂悲惱苦生婆蹉種出家若作是見世間無常常無常非常非無常有邊無邊邊無邊非有邊非無邊是命是身命異身異如來有後死無後死有無後死非有非無後死此是倒見乃至憂悲惱苦

生婆蹉種出家白佛瞿曇何所見佛告婆蹉
種出家如來所見已畢婆蹉種出家然如來
見謂見此苦聖諦此苦集聖諦此苦滅聖諦
此苦滅道跡聖諦作如是知如是見已於一
切見一切受一切生一切我我所見我慢繫
著使斷滅寂靜清涼真實如是等解脫比丘

流四

十三

生者不然不生亦不然婆蹉白佛瞿曇何故
說言生者不然佛告婆蹉我今問汝隨意答
我婆蹉猶如有人於汝前然火汝見火然不
即於汝前火滅汝見火滅不婆蹉白佛如是
瞿曇佛告婆蹉若有人問汝向者火然今在
何處爲東方去耶西方南方北方去耶如是
問者汝云何說婆蹉白佛瞿曇若有來作如
是問者我當作如是答若有於我前然火薪
草因緣故然若不增薪火則永滅不復更起
東方南方西方北方去者是則不然佛告婆
蹉我亦如是說色已斷已知受想行識已斷
已知斷其根本如截多羅樹頭無復生分於

未來世永不復起若至東方南西北方是則
不然甚深廣大無量無數永滅婆蹉白佛我
當說譬佛告婆蹉爲知是時婆蹉白佛瞿曇
譬如近城邑聚落有好淨地生堅固林有一
大堅固樹其生以來經數千歲日夜既久枝
葉零落皮膚枯朽唯幹獨立如是瞿曇如來
法律離諸枝條柯葉唯空幹堅固獨立尔時
婆蹉出家聞佛所說歡喜隨喜從座起去如
是我聞一時佛住王舍城迦蘭陀竹園時有
婆蹉種出家來詣佛所與世尊面相問訊慰
勞已退坐一面白佛言瞿曇彼云何無知故
作如是見如是說世間常此是真實餘則虛
妄世間無常世間常無常世間非常非無常
世有邊世無邊世有邊無邊世非有邊非無
邊命即是身命異身異如來有後死無後死
有無後死非有非無後死佛告婆蹉知色無
知故作如是見如是說世間常此是真實餘
則虛妄乃至非有非無後死於受想行識無

知故作如是見如是說世間常此是真實餘則虛妄乃至非有非無後死婆蹉白佛瞿曇知何法故不如是見如是說世間常此是真實餘則虛妄乃至非有非無後死佛告婆蹉知色故不如是見如是說世間常此是真實餘則虛妄乃至非有非無後死知受想行識

流四

十四

故不作如是見如是說世間常此是真實餘則虛妄乃至非有非無後死如是不知知如是不見視識識不斷斷不觀觀不察察不覺覺佛說此經已婆蹉種出家聞佛所說歡喜隨喜從座起而去

如是我聞一時佛住王舍城迦蘭陀竹園時

有婆蹉種出家來詣佛所與世尊面相慰勞已退坐一面白佛言瞿曇欲有所問寧有閑暇為解說不爾時世尊默然而住婆蹉種出家第二第三問佛亦第二第三默然而住時婆蹉種出家白佛言我與瞿曇共相隨順今有所問何故默然不時世尊作是念此婆蹉

種出家長夜質直不諂不偽時有所問皆以不知故非故惱亂我今當以阿毗曇律納受於彼作是念已告婆蹉種出家隨汝所問當為解說婆蹉白佛云何瞿曇有善不善法耶佛答言有婆蹉白佛當為我說善不善法令我得解佛告婆蹉我今當為汝略說善不善法諦聽善思婆蹉貪欲者是不善法調伏貪欲是則善法瞋恚愚癡是不善法調伏恚癡是則善法殺生者是不善法離殺生者是則善法偷盜邪婬妄語兩舌惡口綺語貪恚邪見是不善法不盜乃至正見是則善法是爲婆蹉我今已說三種善法三種不善法如是婆蹉我今已說三種善法三種不善法如是

流四

十五

聖弟子於三種善法三種不善法如實知十種不善法十種善法如實知者則於貪欲無餘滅盡瞋恚愚癡無餘滅盡者則一切有漏滅盡無漏心解脫慧解脫現法自知作證我生已盡梵行已立所作已作自知不受後有婆蹉白佛頗有一比丘於此法律得盡有漏

無漏心解脫乃至不受後有耶佛告婆蹉不但若一若二若三乃至五百有衆多比丘於此法律盡諸有漏乃至不受後有婆蹉白佛且置比丘有一比丘尼於此法律盡諸有漏乃至不受後有不佛告婆蹉不但一二三比丘尼乃至五百有衆多比丘尼於此法律盡

諸有漏乃至不受後有婆蹉白佛置比丘尼有一優婆塞修諸梵行於此法律度狐疑不佛告婆蹉不但一二三乃至五百優婆塞乃有衆多優婆塞修諸梵行於此法律斷五下分結得成阿那含不復還生此婆蹉白佛復置優婆塞頗有一優婆夷於此法律修持梵

行於此法律度狐疑不佛告婆蹉不但一二三優婆夷乃至五百有衆多優婆夷於此法律斷五下分結於彼化生得阿那含不復還生此婆蹉白佛置比丘比丘尼優婆塞優婆夷修梵行者頗有優婆塞受五欲而於此法律度狐疑不佛告婆蹉不但一二三乃至

五百乃有衆多優婆塞居家妻子香華嚴飾畜養奴婢於此法律斷三結貪恚癡薄得斯陀舍一往一來究竟苦邊婆蹉白佛復置優婆塞頗有一優婆夷受習五欲於此法律得度狐疑不佛告婆蹉不但一二三乃至五百乃有衆多優婆夷在於居家畜養男女服習

五欲華香嚴飾於此法律三結盡得須陀洹不墮惡趣決定正向三菩提七有天人往生究竟苦邊婆蹉白佛言瞿曇若沙門瞿曇成等正覺若比丘比丘尼優婆塞優婆夷修梵行者及優婆塞優婆夷服習五欲不得如是功德者則不滿足以沙門瞿曇成等正覺比

流四

十六

丘比丘尼優婆塞優婆夷修諸梵行及優婆塞優婆夷服習五欲而成就余所功德故則爲滿足瞿曇今當說譬佛告婆蹉隨意所說婆蹉白佛如來大水流隨下瞿曇法律亦復如是比丘比丘尼優婆塞優婆夷若男若女悉皆隨流向於涅槃後輸涅槃甚奇佛法

僧平等法律爲餘異道出家來詣瞿曇所於正法律求出家受具足者幾時便聽出家佛告婆蹉若餘異道出家欲來於正法律求出家受具足者乃至四月於和尚所受衣而住然此是爲人粗作齊限耳婆蹉白佛若諸異道出家來於正法律欲求出家受具足聽於和尚所受衣著滿四月聽出家者我今堪能於四月在和尚所受衣著於正法律而得出家受具足我當於瞿曇法中出家受具足修持梵行佛告婆蹉我先不說粗爲人作分齊耶婆蹉白佛如是瞿曇尔時世尊告諸比丘汝等當度彼婆蹉出家於正法律出家受具足婆蹉種出家即得於正法律出家受具足成比丘分乃至半月學所應知應識應見應得應覺應證悉知悉識悉見悉得悉覺悉證如來正法尊者婆蹉作是念我今已學所應知應識應見應得應覺應證彼一切悉知悉識悉見悉得悉覺悉證今當往見世尊是時

流四

十七

婆蹉詣世尊所稽首禮足於一面住白佛言世尊我於學所應知應識應見應得應覺應證悉知悉識悉見悉得悉覺悉證世尊正法唯願世尊爲我說法我聞法已當獨一靜處專精思惟不放逸住思惟所以善男子剃除鬚髮著袈裟衣正信出家學道乃至自知不受後有佛告婆蹉有二法修習多修習所謂止觀此二法修習多修習得知界果覺了於界知種種界覺種種界如是比丘欲求離欲惡不善法乃至第四禪具足住慈悲喜捨空入處識入處無所有入處非想非非想入處令我三結盡得須陀洹三結盡貪恚癡薄得斯陀含五下分結盡得阿那含種種神通境界天眼天耳他心智宿命智生死智漏盡智皆悉得是故比丘當修二法修習多修習修二法故知種種界乃至漏盡爾時尊者婆蹉聞佛所說歡喜作禮而去爾時婆蹉獨一靜處專精思惟不放逸住乃至自知不受後有

時有衆多比丘莊嚴方便欲詣世尊恭敬供養爾時婆蹉問衆多比丘汝等莊嚴方便欲詣世尊恭敬供養耶諸比丘答言爾爾時婆蹉語諸比丘尊者持我語敬禮世尊問訊起居輕和少病少惱安樂住不言婆蹉比丘白世尊言我已供養世尊具足奉事令歡悅非

不歡悅大師弟子所作皆悉已作供養大師令歡悅非不歡悅時衆多比丘往詣佛所稽首禮足退坐一面白佛言世尊尊者婆蹉稽首敬禮世尊足乃至歡悅非不歡悅佛告諸比丘諸天先已語我汝今復說如來成就第一知見亦如婆蹉比丘有如是德力尔時世

尊爲彼婆蹉比丘說第一記佛說此經已諸比丘聞佛所說歡喜奉行

如是我聞一時佛住王舍城迦蘭陀竹園時有外道出家名曰鬱低迦來詣佛所與世尊面相問訊慰勞已退坐一面白佛言瞿曇云何瞿曇世有邊耶佛告鬱低迦此是無記鬱

流四

十六

低迦白佛云何瞿曇世無邊耶有邊無邊耶非有邊非無邊耶佛告鬱低迦此是無記鬱答言無記瞿曇於何等法而可記說佛告鬱低迦知者智者我爲諸弟子而記說道令正盡苦究竟苦邊鬱低迦白佛云何瞿曇爲諸弟子說道令正盡苦究竟苦邊爲一切世間從此道出爲少分耶尔時世尊默然不答第二第三問佛亦第二第三默然不答尔時尊者阿難住於佛後執扇扇佛尊者阿難語鬱低迦外道出家汝初已問此義今復以異說而問是故世尊不爲記說鬱低迦今當爲汝說譬天智者因譬得解譬如國王有邊境城四周堅固巷陌平正唯有一門立守門者聰明黠慧善能籌量外有人來應入者聽入不應入者不聽周而繞城求第二門都不可得耶無貓狸出入之處況第二門彼守門者都

不覺悟入者出者然彼士夫知一切人唯從此門若出若入更無餘處如是世尊雖不用心覺悟衆生一切世間從此道出及以少分然知衆生正盡苦究竟竟苦邊者一切皆悉從此道出時鬱低迦外道出家聞佛所說歡喜隨喜從座起而去

流四

十九

如是我聞一時佛住王舍城迦蘭陀竹園時有尊者富隣尼住王舍城耆闍崛山中時有衆多外道出家詣尊者富隣尼共相問訊慰勞已退坐一面問尊者富隣尼我聞沙門瞿曇作斷滅破壞有教授耶今問尊者富隣尼竟爲爾不富隣尼語諸外道出家我不如是

知世尊教語衆生斷滅壞有令無所有者無有是處我作如是解世尊所說有諸衆生計言有我我慢邪慢世尊爲說令其斷滅時諸外道出家聞富隣尼所說心不善悅呵責而去尔時尊者富隣尼諸外道去已往詣佛所誓首禮足退坐一面以向諸外道出家所說

具白世尊世尊我向答諸外道說得無謗毀出尊耶爲是法說如佛所說如法隨順法說不得不爲諸論義者所見嫌責耶佛告富隣尼如汝所說不謗如來不失次第如我記說如法法說隨順法說不爲諸論者之所嫌恨所以者何富隣尼先諸衆生我慢邪慢邪慢所迫邪慢集邪慢不無間等亂如狗腸如鐵鉤鎖亦如亂草往反驅馳此世他世他世此世衆多外道出家詣尊者富隣尼一切衆生於諸世已退坐一面問尊者富隣尼我聞沙門瞿曇作斷滅破壞有教授耶今問尊者富隣尼樂佛說此經已富隣尼比丘聞佛所說歡喜奉行

如是我聞一時佛住王舍城迦蘭陀竹園尔時尊者阿難陀於後夜時向搃補河邊脫衣置岸邊入水洗手足還上岸著一衣摩拭身體時俱迦那外道出家亦至水邊尊者阿難陀聞其行聲聞聲已即便聲欸作聲俱迦那外道出家聞有人聲而問言爲何等人尊者

阿難陀答言沙門俱迦那外道言何等沙門尊者阿難陀答言釋種子俱迦那外道言欲有所問寧有閑暇見答以不尊者阿難陀答言隨意所問知者當答俱迦那言云何如來死後有耶阿難陀答言世尊所說此是無記復問如來死後無耶死後有無耶非有非無

流四

二十

耶阿難陀言世尊所說此是無記俱迦那外道言云何阿難如來死後有答言無記死後無死後有無死後非有非無答言無記云何阿難爲不知不見耶阿難陀答言非不知非不見悉知悉見復問阿難陀云何知云何見阿難陀答言見可見處見所起處見纏斷處

流四

九一

九

此則爲知此則爲見我如是知如是見云何說言不知不見俱迦那外道復問尊者何名阿難陀答言我名阿難陀俱迦那外道言奇哉大師弟子而共論議我若知是尊者阿難陀者不敢發問說是語已即捨而去如是我聞一時佛住舍衛國祇樹給孤獨園

時給孤獨長者日日出見世尊禮事供養給孤獨長者作是念我今出太早世尊及諸比丘禪思未起我寧可過諸外道住處即入外道精舍與諸外道共相問訊慰勞已退坐一而時彼外道問言長者汝見沙門瞿曇云何見何所見長者答言我亦不知云何見世尊世尊何所見諸外道言汝言見衆僧云何見衆僧衆僧何所見長者答言我亦不知云何見僧僧何所見外道復問長者汝今云何自見自何所見長者答言汝等各各自說所見然後我說所見亦不難時有一外道作如是言長者我見一切世間常是則真實餘者虛妄復有說言長者我見一切世間無常此是真實餘則虛妄復有說言長者世間常無常此是真實餘則虛妄復有說言世間非常非無常此是真實餘則虛妄復有說言世間有邊此是真實餘則虛妄復有說言世間無邊此是真實餘則虛妄復有說言世間邊復有

說言世非有邊非無邊復有說言命則是身復有說言命異身異復有說言如來死後有復有說言如來死後無復有說言如來死後有無復有說言如來死後非有非無此是真實餘則虛妄諸外道語長者言我等各各已說所見汝復應說汝所見長者答言我之所見真實有爲思量緣起若復真實有爲思量緣起者彼則無常無常者是苦如是知已於一切見都無所得如汝所見世間常此是真實餘則虛妄者此見真實有爲思量緣起若真實有爲思量緣起者是則無常無常者是苦是故汝等習近於苦唯得於苦堅住於苦深入於苦如是汝言世間無常此是真實餘則虛妄有如是各世間無常常無常非常非常非無常世有邊世無邊世有邊無邊世非有邊非無邊命即是身命異身異如來死後有如來死後無如來死後有無如來死後非有非無此是真實餘則虛妄皆如上說有一外道

語給孤獨長者言如汝所說若有見彼則真實有爲思量緣起者是無常法若無常者是苦是故長者所見亦習近苦得苦住苦深入於苦長者答言我先不言所見者是真實有爲思量緣起法悉皆無常無常者是苦知苦已我於所見無所得耶彼外道言如是長者余時給孤獨長者於外道精舍伏彼異論建立已論於異學衆中作師子吼已往詣佛所稽首禮足退坐一面以向與諸外道共論事已佛廣說佛告給孤獨長者善哉善哉宜應時時摧伏愚癡外道建立正論佛說是語已給孤獨長者歡喜隨喜作禮而去

流四

廿二

付

如是我聞一時佛住王舍城迦蘭陀竹園時有長爪外道出家來詣佛所與世尊面相問訊慰勞已退坐一面白佛言瞿曥我一切不忍佛告火種汝言一切見不忍者此見亦不忍耶長爪外道言向言一切見不忍者此見亦不忍佛告火種如是知如是見此見則已

斷已捨已離餘見更不相續不起不生火種
多人與汝所見同多人作如是見如是說汝
亦與彼相似火種若諸沙門婆羅門捨斯等
見餘見不起是等沙門婆羅門世間亦少少
耳少種依三種見何等爲三有一如是見如
是說我一切忍復次有一如是見如是說我
一切不忍復次有一如是見如是說我於一
忍一不忍火種若言一切忍者此見與貪俱
生非不貪與恚俱生非不恚與癡俱生非不
癡繫不離繫煩惱非清淨樂取染著生若如
是見我一切不忍此見非貪俱非恚俱非癡
俱清淨非煩惱離繫非繫不樂不取不著生
火種若如是見我一忍一不忍彼苦忍者則
有貪乃至染著生若如是見不忍者則離貪
乃至不染著生彼多聞聖弟子所學言我若
作如是見如是說我一切忍則爲二者所責
所詰何等二種謂一切不忍及一忍一不忍
則爲此等所責故詰詰故害彼見責見詰

流四

廿三

見害故則捨所見餘見則不復生如是斷見
捨見離見餘見不復相續不起不生彼多聞
聖弟子作如是學我若如是見如是說我一
切不忍者則有二責二詰何等爲二謂我一
切忍及一忍一不忍如是二責二詰乃至不
相續不起不生彼多聞聖弟子作如是學我
一切忍復次火種如是身色塵四大聖弟子當觀
及一切不忍如是二責乃至不相續不起不
生復次火種如是身色塵四大聖弟子當觀
無常觀生滅觀離欲觀滅盡觀捨若聖弟子
觀無常觀滅觀離欲觀滅盡觀捨住者於彼
身身欲身念身愛身染身著永滅不住火種
有三種受謂苦受樂受不苦不樂受此三種
受何因何集何生何轉謂此三受觸因觸集
觸生觸轉彼觸集則受集彼觸滅則受
滅寂靜清涼永盡彼於此三受覺苦覺樂覺
不苦不樂彼受若集若滅若味若患若出

如實知如實知已即於彼受觀察無常觀生滅觀離欲觀滅盡觀捨彼於身分齊受覺如實知於命分齊受覺如實知若彼身壞命終後即於尔時一切受永滅無餘永滅彼作是念樂受覺時其身亦壞苦受覺時其身亦壞不苦不樂受覺時其身亦壞悉爲苦邊於彼樂覺離繫不繫於彼苦覺離繫不繫於不苦不樂覺離繫不繫於何離繫離於貪欲瞋恚愚癡離於生老病死憂悲惱苦我說斯等名爲離苦當於尔時尊者舍利弗受具足始經半月時尊者舍利弗住於佛後執扇扇佛時尊者舍利弗作是念世尊歎說於彼彼法斷欲離欲減盡欲捨爾時尊者舍利弗即於彼彼法觀察無常觀離欲觀滅盡觀捨不起諸漏心得解脫爾時長爪外道出家遠塵離垢得法眼淨長爪外道出家見法得法覺法入法度諸疑惑不由他度入正法律得無所畏即從座起整衣服爲佛作禮合掌

白佛願得於正法律出家受具足於佛法中修諸梵行佛告長爪外道出家汝得於正法律出家受具足成比丘分即得善來比丘出家彼思惟所以善男子剃除鬚髮著袈裟衣正信非家出家學道乃至心善解脫得阿羅漢佛說是經已尊者舍利弗尊者長爪聞佛所說歡喜奉行

廿四末

流四

雜阿含經卷第三十四
涕泡上音滴下音拋洪澍上音紅下音注婆蹉下七何反閑暇音下
夏幹古旦反粗牛古反齊限上去黠慧上開貓狸八反
上莫交反下力之反
榻丁塔反馨欵上苦頂反責詰一起一反

分齊二字並云聲

捨不起諸漏心得解脫爾時長爪外道出家遠塵離垢得法眼淨長爪外道出家見法得法覺法入法度諸疑惑不由他度入正法律得無所畏即從座起整衣服爲佛作禮合掌